


ТЕК КАВА ЭРЕ КАНДЕ ЛИЕШ!

Боевой действий-влакын ветераныштын кечыштан пӧлеклалтше мероприятий Унчо кундемыштат эртен. Митинг тўналме деч ончыч Афганистаныште служитлыше Эрик Максимов, Чечня мландыште служитлыше да кызит Краснолиманский направленийыште кредалше арбатарьоннын командирже, «Варяг» позывноя офицер Денис Афанасьев, тенгыз пехотын ветеранже Виталий Степанов Российын Гимнже почеш флагым нӧлталыч.

Саламлыме мутым Унчо ял шотан илем вуйлатыше Иван Евсеев, «Единый Россий» партийын верысе политсовет секретарьже, Морко муниципальный образованийым вуйлатыше Гарай Хуснутдинов, Марий Эл Кутыжаныш Погынын депутатше, «Передовик» ял озанлык артельын вуйлатышыже Юрий Игнатьев, Марий Элыште Калык фронтын вуйлатышыже Валентин Севастьянов да молат каласышт.



Кугу сарыште, Афганистан, Чечня, Сирий мландыште, специальный военный операцийыште вуйым пыштыше-влакым порын шарнен, ик минут шып шогымеке, памятник воктеке пеледышым пыштышт.

Тачысе кечын шочмо элым аралымаште Унчо кундемын эргыже-влакат ўшанле улмыштым да лўддымылыкыштым ончыктат. Чаманен каласыман, шымытынже ужар вуйыштым Украин мландеш пыштеныт.

Пайремым сӧрастараш Унчо школын 2-шо, 3-шо да 6-шо класслаштыже тунемше-влак вуйлатышышт, Унчо школышто музыкым туныктышо Алевтина Ивановна Григорьева дене пырля толыныт быле.

Российын армийже тыныс илыш верч чот шоген, шога да умбакыжат шогаш тўналеш. Тек ни гунамаат шучко сар огеш лий да вуй ўмбалнына канде кава, тыныс илыш лиеш.

Лидия ЯМНЕЕВА,
Унчо книгагудо
вуйлатыше